



沂州府志卷之十三

學校

古之教者自比閭族黨以至州長鄉大夫而因及於國學遞而上之其教漸精其責彌重遞而下之其教似粗其事彌實故比閭之法但書其敬敏任恤者而族師則書其孝弟睦婣有學者黨正則書其德行道藝焉州長又加之以勸糾焉然後鄉大夫攷其德行道藝而興賢者能者蓋所重在倫紀之重而義理之精道德之大則以俟之國學今州縣之教其地則等於鄉其事則同於國順詩書禮樂以造士與成均無異也自漢立博士弟子員橋門觀聽蓋億萬計自茲以後歷代沂州府志

卷之十三 學校

莫不有學而以州縣之學作孔子廟者自唐貞觀四年始其罷太公廟獨祀孔子仍卽廟旁起學舍者自明洪武二十年始

本朝因之制有加焉崇祀之典益尊師儒之席彌重况琅邪居聖人之邦有不家敦禮讓而戶習詩書者乎爰誌學校以祀典載焉至名宦鄉賢忠孝節義本列膠庠今從其類而書

試院皆學校事並附卷後

學宮

廟門 按宋建隆中用正一品禮令孔子廟門立戟十六枝大觀中詔用王者制用戟二十四枝故稱戟門明嘉靖

大清乾隆丁巳夏月
 沂州府志卷之十三
 學校

年改曰先師廟門廟門之外又設櫺星門以著尊崇之義
按櫺星一作靈星卽龍星也東方七宿有蒼龍之形故以
名也曰靈星者後漢祭祀志高帝八年令天下立靈星祠
以龍左角有天山星主穀也此與學宮無涉亦與門無涉
其以爲門者蓋龍右角有二星曰天門尊聖人之門等干
天門敬之至也天山天門皆在龍星度內故天田入門皆
可以靈星名用三門者古者中門曰門兩旁爲象魏亦曰
兩魏尊崇聖人而隆其廟制非必取象于天而後
用三門也論者不解櫺星門之說故釋其義于此

大成殿 宋徽宗政和四年御書大成殿額頌孔子廟自是
郡縣皆稱大成殿

泮池 王制天子之學曰辟廡諸侯曰頌宮謂其形如半壁
水也丹鉛錄謂魯有泮水學宮立于其上故曰泮宮非列國
之通稱其說似是但自漢人以來皆以半壁解矣此說之

沂州府志 卷之十三 學校

二

無關於得失者姑從衆可也

木主 塑像不知起于何時自唐以來皆然洪武初命除塑
像止設木主後永樂建國北京因元人之舊塑于是天下
或用木主或用塑像未盡畫一

大學舍

明倫堂 漢章帝元和二年帝詣闕里御講堂魏晉以後凡
建學之地皆有誦堂元世祖至元十三年雲南行省平章
賽典赤始建明倫堂貯經史因下其式于諸路

尊經閣 元仁宗皇慶二年命建崇文閣于國子監之左

祐二年常州路總教史堯卽郡庠建尊經閣以貯經史

天下學校皆建閣

敬一亭 明嘉靖五年作敬一箴頌之太學遂詔郡邑學校

皆鐫石並刻程子四箴范子心箴作亭覆之

射圃 此古者習射于澤宮之遺明洪武三年詔定學校射

儀今射圃荒廢惟存故址

名宦鄉賢祠 明洪武四年詔天下學校各建先賢祠左祀

賢牧守右祀鄉賢從前置主入祠皆由督撫學臣

奉朝雍正二年定例除故明以前不議外以後所有應入二祠

人員皆由題請經部覆後定

學田 按宋仁宗天聖元年詔賜兗州學田而旁郡多立學

濟州府志 卷之十二 學校

賜之田如兗州 此朝廷賜額 寧宗嘉定中趙崇本知崇安

軍買開平寺廢田以充學廩 此有司立 元世祖至元二十

九年詔學田所入春秋釋奠之外以給諸生之無告者 此

田贍給貧 仁宗延祐二年會昌州判官楊景行勸民出田

生之始 贍士 此義民捐助 明神宗萬歷六年詔天下學田不拘定

額皆編入全書減其賦役不與民田等其歲入租息賑給

貧生由學政衙門報銷增減如例

社學 按元世祖至元二十八年令諸路各縣學內設立小

學選老成之士教之其他先儒過化之地名賢經行之所

與好義之家出錢粟贍學者並立為書院其師儒或名出

長或名學錄或名掌教並由行省及各路宣慰使等劄子付之明太祖洪武八年詔立社學以教民間子弟十六年詔民間所立社學有司不得干預英宗正統元年令各處提學官及司府州縣官嚴提社學不許廢弛

欽頒尊崇 聖 賢之制

大清會典順治二年定文廟神主謚號爲

大成至聖文宣先師孔子之位十四年議改謚號爲

至聖先師孔子神位直省各學俱用新主奉祀雍正元年遵

旨議定自叔梁公以上至木金父公凡五代並封王爵

木金父公爲肇聖王

沂州府志

卷之十三

學校

四

祈父公爲裕聖王

防叔公爲詒聖王

伯夏公爲昌聖王

叔梁公爲啓聖王其啓聖祠向係專祠故以啓聖爲名今合

祀五代應更名爲崇聖祠改造匾額添設神牌祭器每年

春秋牲牢酒醴籩豆簋盞每神位前俱照

啓聖王例陳設通行順天府直省府州縣衛一體遵行

康熙五十三年以宋儒范仲淹從祀

五十四年遷東廡朱子熹升殿配十哲之次

五十九年命武職得入文廟一體行禮

雍正二年復林放蕙瑗秦再顏何鄭康成范甯六人從祀
又增入縣直牧皮樂正克公都子萬章公孫丑諸葛亮尹
焯魏了翁黃幹陳淳何基王柏趙復金履祥許謙陳潛羅
欽順蔡清陸隴其二十人從祀

乾隆三年遷東廡有子升黻配享位卜子夏下遷朱子于
西位顓孫子張下定十二哲東六位西六位東廡六十一
位西廡六十一位

崇聖祠配享四位東廡二位西廡一位

康熙二十七年頒

御書萬世師表匾額

沂州府志

卷之十三

學校

五

雍正三年頒

御書生民未有匾額並加增祭品祭器樂器圖冊

乾隆三年頒

御書與天地參匾額

雍正三年

詔郡縣春秋丁祭增用太牢

每當祭期

至聖位前陳設

制帛一白

色白磁爵三

牛一

羊二

豕一
登一

銅二

簋二

簋二

籩十

豆十

酒十

四配位陳設

每位前制帛一 白磁爵三 羊一 豕一 銅二

簋二 籩二 籩八 豆八 酒罇一

十二哲前陳設

每位前制帛一 白磁爵各一 豕一 銅各一

簋各一 籩各一 籩各四 豆各四 豕首一

東西兩廡陳設

制帛一 銅爵各一 豕首一 豕肉一 酒罇三

每案簋一 白籩一 籩四 豆四

崇聖祠陳設

沂州府志 卷之十三 學校

六

五王每位前

制帛一 白磁爵三 羊一 豕一 銅二 簋二

籩二 籩八 豆八 酒罇一

兩廡陳設

制帛二 每位銅爵三 豕肉二 簋一 籩一 籩四

豆四 酒罇一

禮器

俎 豆 登 銅 籩 簋 籩八 簋 爵 坫 雲雷

尊 象尊 犧尊 山尊 著尊 壺尊 泰尊 勺

鬯 洗 盥槃 巾 鼎 祝板

先師有言尺凡六五 祭則受福尺凡六 四海鬻宮尺凡五 嘯敢不肅尺凡六
禮成告徹尺凡五 毋疏胡賓尺凡六 樂所自生尺凡五 中原有菽尺凡六

送神咸平之章

鳧釋尺凡六五 洙泗洋洋尺凡六 景行行止尺凡五 流澤無疆尺凡六
聿照祀事尺凡五 祀事孔明尺凡六 化我烝民尺凡五 育我膠庠尺凡六

右春祭夾鐘爲宮倍應鐘起調

迎神咸平之章

大哉孔子尺凡六 先覺先知尺凡六 與天地參尺凡五 萬世之師尺凡六
祥徵麟紱尺凡五 韻答金絲尺凡六 日月旣揭尺凡五 乾坤清夷尺凡六

初獻寧平之章

濟州府志卷之十三 學校

子懷明德尺凡六 玉振金聲尺凡六 生民未有尺凡五 展也大成尺凡六
俎豆千古尺凡六 春秋上下尺凡五 清酒旣載尺凡六 其香始升尺凡五

亞獻安平之章

式禮莫愆尺凡六 升堂再獻尺凡六 響協鼗鏞尺凡五 誠孚壘獻尺凡六
肅肅雍雍尺凡五 譽髦斯彥尺凡六 禮陶樂淑尺凡五 相觀而善尺凡六

終獻景平之章

自古在昔尺凡六 先民有作尺凡五 皮弁祭菜尺凡六 於論思樂尺凡五
惟天牖民尺凡六 惟聖時若尺凡五 彛倫攸叙尺凡六 至今木鐸尺凡五

徹饌咸平之章

先師有言尺凡六 祭則受福尺凡五 四海鬻宮尺凡六 嘯敢不肅尺凡五

禮成告徹 毋疏毋瀆 樂所自生 中原有菽

送神咸平之章

六乙上尺 凡六乙上 凡尺尺凡 乙上尺上
鳧繹栽栽 洙泗洋洋 景行行止 流澤無疆

尺凡乙六 六凡乙上 六尺六凡 乙上乙六
聿昭祀事 祀事孔明 化我烝民 育我膠庠

右秋祭南呂爲宮仲呂起調

部頒祭文

孔子先代五王祭文

維乾隆 年歲次 月 朔越 日某省某府某官致祭

於王

肇聖王

沂州府志 卷之十三 學校

九

裕聖王

詒聖王

昌聖王

啟聖王曰惟

王奕葉鍾祥光開聖緒盛德之後積久彌昌凡聲教所覃敷

率循源而溯本宜肅明禋之典用申守土之忱茲屆仲春

聿修祀事配以

先賢顏氏

先賢曾氏

先賢孔氏

先賢孟孫氏尚

饗

孔子祭文

維乾隆 年歲次

月 朔越

日某省某府某官致祭

於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮合樂節之時辟雍鐘鼓咸恪薦于馨

宗香泮水膠庠益致嚴于籩豆茲當仲春祇率彛章肅展微

忱聿將祀典以

沂州府志 卷之十三 學校

十

復聖顏子

宗聖曾子

述聖子思子

亞聖孟子配尚

饗

配享從祀名位

雍正二年部行

四配

復聖顏子

述聖子思子東

十二哲

有若熂

冉子耕

宰子子

冉子求

言子偃

饗

顓孫子師

朱子熂

東廡先賢

漆雕開

司馬耕

原憲

南宮适

商瞿

曹卹

公孫龍 泰高 顏高 壤馴赤 石作蜀 公夏首
公處 奚容箴 顏祖 句井疆 秦祖 縣成

公祖句茲 燕伋 樂紱 狄黑 孔忠 公西箴
顏之僕 施之常 申棖 左工明 秦冉 牧皮

公都子 公孫丑 張載 程顥

先儒 公羊高 孔安國 毛萇 高堂生 鄭康成
諸葛亮 王通 司馬光 歐陽修 胡安國 尹焞

呂祖謙 蔡沈 陸九淵 陳淳 魏了翁 王栻
許衡 許謙 王守仁 薛瑄 羅欽順 陸隴其

以上二十三
人俱先儒

西廡先賢 林放 宓不齊 公冶長 公皙哀 高柴 樊須
商澤 梁鯨 冉孺 伯虔 冉季 漆雕徒父

漆雕駟 公西赤 任不齊 公良孺 公肩定 鄒單
罕父黑 榮旂 左人鄆 鄭國 原亢 廉潔

叔仲會 公西與如 邾莛 陳亢 琴張 步叔乘
秦非 顏曾 顏何 縣亶 樂正克 萬章 周敦頤

程顥 邵雍
以上三十九人俱先賢

沂州府志 卷之十三 學校

十一

先儒 穀梁赤 伏勝 后蒼 董仲舒 杜子春 范甯
韓愈 范仲淹 胡瑗 楊時 羅從彥 李侗

張栻 黃幹 真德秀 何基 趙復 金履祥
陳澧 陳獻章 胡居仁 蔡清 以上二十二
人俱先儒

崇聖祠配位 先賢顏氏無繇 孔氏鯉 東
先賢曾氏點 孟孫氏西 以上俱在殿內

東廡先儒 周輔成 程珦 蔡元定 東

西廡先儒 張廸 朱松 西

附名宦鄉賢二祠

大清會典古今聖賢忠臣烈士名宦鄉賢載在祀典者令有

司歲時致祭定制設祠于學宮內以春秋仲丁致祭祭品

用制帛一羊一豕一爵三

忠孝節義二祠

雍正元年奉

上諭凡旌表節義給銀建坊民間往往視爲具文未曾建立恐日久仍至泯沒不能使民間有所觀感著于地方公所設立祠宇將前後忠孝節義之人俱標姓氏于其中已故者則設牌位于祠中祭祀用以闡幽光而垂永久著該部議奏欽此禮部議覆令直省州縣分別男女每處各建二祠一爲忠義孝弟祠建學宮內祠前立石碑將前後忠義孝弟之人刻姓氏于其上已故者設立牌位一爲節孝祠另擇地營建祠門外建大坊一座將前後節孝婦女題姓氏于其上已故者設立牌位每歲春秋致祭祭品

沂州府志

卷之十三

學校

三

同名宦鄉賢二祠

禮部頒祭文

維乾隆 年 歲次 月 朔越 日某省某府某官致

祭於

忠孝老先生之神前曰大聖大賢固傳道統于百世全忠全

孝亦扶名教於千秋惟

先哲之品行旣隆故

聖朝之祀典必脩春秋載祀俎豆維新式陳明馨仰祈昭格尚

饗

維乾隆 年歲次 月 朔越 日某省某府某官致祭

於

節孝祠之神前曰婦道克貞著節烈于百世女德不爽表章
行於千秋唯

淑閭之芳徽既隆故

聖朝之典禮必脩春秋載祀俎豆維新式薦明馨仰祈昭格尚

饗

學規

順治九年奉

旨頒發卧碑立石各學 各學皆有

康熙四十一年頒

沂州府志 卷之十三 學校

三

御製訓飭士子文 各學皆有

學政全書

生員設立原由

唐書儒學傳國學置生七十二員取三品以上子若孫爲之

大學百四十員取五品以上四門學百三十員取七品以

上郡縣三等上郡學置生六十員上縣學置生四十員中

下皆以十爲差此生員之名所由始明制畧倣之

明初諸生無不廩食者會典洪武初令京府學六十八人外府

學四十人縣學二十人日給廩膳乃免差徭三丁其後以

多才之地許令增廣亦不過三五八而已宣德元年定額

如廩生之數卽今制也生員之不盡廩食自此始其後從鳳陽知府楊瓚之言有軍民子弟俊秀待補增廣之名初謂之入學寄名後則准其待缺補充增廣生久之乃號曰附學生員

正統元年五月始設提調學校官其條例生員食廩六年不諳文理者悉發充吏增廣生員六年不諳文理者罷黜爲民生員有缺卽于本處選端重俊秀子弟補充當時有缺始補與今科歲兩考所取不同附學生員未及六年免黜始此

武生

沂州府志

卷之十三

學校

古

明太祖實錄洪武二十年七月禮部請立武學用武舉上曰如此是分文武爲二塗輕天下無全才矣古之學者文武兼脩故措之于用無所不宜豈謂文武異科各求專習者乎十七年雖定武科舉會試式亦未立學 正統六年五月從成國公朱勇等奏以兩京多勳衛子弟乃立武學設教授訓導如京府儒學之制 成化五年掌武學國子監監丞閻禹錫言古者廟必有學受成獻馘于中欲其先禮義而後勇力也今本學見有空堂數楹乞敕所司改爲文廟其後武生併于文廟始此

武學額數

國朝定例 文武生童入學俱同府學二十名州縣學分次
小三等大學二十名中學十五名小學十二名故觀入學
名數則學之大小可知間有武額不及文額者于各學誌
之

學宮

沂州府學 在縣治西舊在東南宋靖康中燬于兵金守
臣高名卜遷今地元末遭兵燹洪武二年知州羅希孟重
建正統間知州賀禎修弘治間知州張鳳吳寅修正德間
知州朱袞修嘉靖間兵憲任希祖復修原係沂州州學

宋朝雍正十二年設沂州府卽爲府學其制中爲

沂州府志 卷之十三 學校

大成殿階左爲東廡階右爲西廡神厨神庫在兩廡北兩廡
之南爲戟門門南爲泮池上有石梁前爲櫺星門又南爲
照牆萬歷間知州張安慶買民房開路達洗硯池水設
照墻于街南二十六年諸生以墻遮水不利知州徐汝巽
移照墻于池南中設木坊開門以迎秀水殿後爲明倫堂
左右列明德新民至善齋

啟聖祠在廟東射圃廳在側久廢戟門東爲名宦祠西爲鄉
賢祠乾隆二十年沂州府知府李希賢重修

大成殿及東西兩廡明倫堂更建雲路門更衣廳名宦祠鄉
賢祠明倫堂外四面圍墻煥然一新

學署在樞星門之東內爲學正宅天衢坊在北歲久坍塌
知州邵士修葺之雲路坊西爲訓導宅今俱傾圮

考院 雍正十二年沂州府初建考院未設學臣校士暫

僑曲阜生童跋涉辛苦萬狀遠者六七百里近者亦不下

四五百里士子誤考被黜童生分甘自棄者累累也乾隆

十八年知府李希賢因人情樂捐助以歲俸卜基顏家巷

再構廢宅以擴之門堂號廡次第興修庖湑藩溷執役舍

宇各無缺陷逾歲而告成七屬大使之

琅邪書院 乾隆二十四年知府李希賢率七屬捐建蘭

山縣知縣沈玉琳承修于王右軍廢祠基內重新創建前

沂州府志 卷之十三 學校

爲碑亭大門祠內嵌琅邪法帖石刻碑亭立

聖祖御書各碑刻皆附嵌于壁疏鑿洗硯池樹以竹樹花木左右

建書室三十楹招徠多士肄業其中遂爲名勝之地

學田 原係明涇府設被書手隱佔萬歷間知州徐汝異

查明歸學止一十五畝又城壕堤內地五十七畝零沂州

衛經歷司佔種萬歷間知州郭汝賢申准改歸學田又萬

歷三十三年分巡道李士登捐俸買地三頃知州郭汝賢

捐俸買地三頃俱作學田今存漿水汪一頃七十七畝二

分新城一項二十九畝八分董家墩一項八十六畝大學

田莊三頃零四畝

廩增 廩生四十名增生四十名

入學 文章二十名武童十五名

書籍

上諭二部 又二部 四部 一部 一本 廣訓一部

御纂周易一部 書經一部 詩經一部 春秋一部 性理一

部

欽定文章一部 學政全書一本 明史一部 朋黨論一部

名教罪人詩一部 訓飭士子文

蘭山縣學 與府同宮

荀子書院 在神峯山下 諸葛書院 在縣北二十里 王氏書院 在全

沂州府志 卷之十三 學校 七

下元解元 李氏書院 在縣南七十里 俱廢
王佐建 李炫講學處

學田 原四頃二十畝今存陳家莊七十畝零五分城田

二十四畝古城八十八畝堦頭村一十四畝

廩增 廩生一十名增生三十名

入學 文章二十名武童十五名

書籍

上諭二本 又二部 廣訓一部 一本 性理一部

御纂周易 書經 詩經 春秋各一部 性理一部

欽定文章一部 明史一部 訓飭士子文

郟城縣學 學宮在縣治西大街元末兵燬明洪武二年

知縣鄧昇建修永樂十五年知縣邊傑成化四年知縣李楷相繼修葺弘治三年知縣王拱拓地增修正德間知縣唐龍知縣邵宗道嗣修隆慶元年知縣張應登闢學路體制依廓

國朝自康熙七年地震傾地貢生杜景昭等呈知縣馮可參詳允遷城北舊城中三十二年知縣方殿元申請遷舊址四十五年知縣劉三異重修正殿戟門並建兩廡明倫堂櫺星門制加崇五十二年知縣荆文康教諭李殿魁建

啟聖各宦鄉賢各祠及齋房乾隆十八年知縣李湖勸捐重修其制中爲

沂州府志 卷之十三 學校

至聖先師殿前爲月臺左右兩廡南爲戟門門南爲泮池前爲櫺星門又左爲名宦祠右爲鄉賢祠射圃在

文廟西觀德亭在射圃內今廢大門內爲馳道爲禮門甬道左曰博文齋南連進德所右曰約禮齋南連修業所甬道上爲明倫堂堂後爲敬一亭今廢學署舊在樂育街東今房屋多圯

大典鎮文廟三間門一間在督捕廳署前同知李興祖建書院在縣西北七十里磨山下世傳曾子遊學處元提舉曾文通建明成化年移建縣北門內邑人張景華增修一貫書院萬歷四年醫士蔣勸重建

國朝乾隆十八年知縣李湖捐置城裏西南保草房三十八間

又前任知縣吳兆基捐置姚馬保前地七十一畝四分知縣李湖又撥入墾南北保地二頃一十六畝三分一厘

學田 城東孝婦塚旁二頃明隆慶初知縣張應登醫學
蔣勸置又墾地八畝知縣王淳歸學內

廩增 廩生三十名增生二十名

入學 文童十二名武童十二名

書籍

上諭二部 易又二部 廣訓一部

御纂周易 書經 詩經 春秋各一部 性理一部

沂州府志

卷之十三

學校

九

欽定文章一部 明史一部 通鑑綱目一部 訓飭士子文

費縣學 學宮在南門募曾街東金時燬皇統間縣尹顏

某卽故址重建元大德間縣尹王德李世英延祐間尹黃

仲義奉定間尹郝元泊元統間尹李忠敬張禮至元間尹

董克忠相繼修葺元末燬於兵明洪武十二年知縣尚賢

重建弘治十五年知縣楊惠正德間知縣江環修嘉靖間

知縣劉鎮傅堯臣馮儼隆慶間知縣趙經相繼增修萬歷

間楊于庭重修

國朝邑訓導胡璉重修教諭李瑞嗣又修

大成殿明倫堂其制正殿三間殿後明倫堂三間殿前爲左

右兩廡堂西北爲

啓聖祠南爲戟門又南爲櫺星門明倫堂左右爲尚德崇義
二齋齋後爲饌堂齋前爲祭器庫爲學倉學署在學倉東
射圃在學西南郭門外有觀德亭今廢

東山書院元皇慶三年里人康輔之等創於狄家莊後廢
國朝康熙四年里人郭選劉洙等改建於東山之南麓孝感社
貫莊東南瓦房六間草房十二間基地十畝祭田二十八
畝六分其後拔貢生郭翹楚重修

學田 縣治東北王莊二十八畝六分五釐

廩增 廩生二十名增生二十名

沂州府志

卷之十三

學校

辛

入學 文童十二名武童八名

書籍

上諭二部 又二部 廣訓一部

御纂周易 書經 詩經 春秋各一部 性理一部

欽定文章一部 明史一部 訓飭士子文

莒州學 舊在州治東北金末兵毀元聖元間知州孔源
建於州治東至正間知州古文修元末傾圮明洪武元年

知州趙麟復建天順間知州衛述拓地修之弘治間知州

林璿造祭器嘉靖間知州沈震王明時捐俸重修萬歷間

知州許鳴謙建

啓聖祠尊經閣魁星樓樞星門泮池石橋崇禎時兵燹

大成殿僅存

國朝順治間知州陳全國重修地震後俱傾

大成殿猶存歷任各增修雍正癸丑知州李方膺重修乾隆

巳卯知州趙晉基重修其制中爲

大成殿東西列兩廡前爲戟門門東爲名宦祠西爲鄉賢祠
門外爲泮池又前爲櫺星門門前有影壁東西兩門雍正
間知州李方膺于雲路建石坊改影壁於坊南魁星樓在
雲路東

崇聖祠在明倫堂後尊經閣今圮

沂州府志

卷之十三 學校

三

文學書院

在州治西南

祀先賢卜子夏明弘治六年副使趙鶴

齡重建後並祀曾子改作二賢祠

學田 鄒家莊四十五畝江頭莊一項三十畝

廩增 廩生二十名增生三十名

入學 文章十五名武童十五名

書籍

上諭二部 又二部 廣訓二部 駁正呂留良講義二部

御纂周易 書經 詩經 春秋 性理各一部 字典一部

欽定四書文一部 明史一部 學政全書一部 訓飭士子

文

沂水縣學 在縣治東元末兵燹明洪武十六年徙於城
東東臯山之麓明季頽廢

國朝順治十五年教諭周之翰重修康熙七年地震

大成殿櫺星門明倫堂場毀訓導陳經綸修補其制中為

大成殿東西列兩廡前為戟門東為各宦祠西為鄉賢祠外

為泮池又前為櫺星門外為宰牲所門前列牌坊二殿後

為明倫堂東西為存誠擇善二齋堂後為敬一亭又東為

啓聖祠祠後為教諭宅康熙間訓導陳經綸捐修

閱子書院 在閱仲山 康熙六年訓導陳經綸重建瓦房三間草

房十四間基地四畝五分

沂州府志 卷之十三 學校

學田 南莊東六十畝六分七釐賀家莊四十畝嶺坡四

十畝

廩增 廩生二十名增生二十名

入學 文童十二名武童十二名

書籍

上諭二部 又二部 廣訓一部

御纂周易 書經 詩經 春秋各一部 性理一部

欽定文章一部 明史一部 訓飭士子文

蒙陰縣學 元以前無考自延祐間縣尹武秀始建明洪

武初知縣柳玉正統間知縣王漢翔天順間知縣魏本主

簿蘇真正德間知縣梁緒嘉靖間知縣王銳丁嘉賜萬曆
間知縣閻思孝郎程雲天啓間知縣張偉度崇禎間知縣
朱琛陸續增修

國朝順治十年知縣陳崇誥康熙三年知縣詹龍翔重修六年
九年併修鄉賢祠及學周垣十一年知縣屈迺乘修

聖像及文昌祠土人張瑄鬻產繼之二十四年大水多圯知
縣劉德芳修四十六年知縣袁宸黼修乾隆十九年知縣
靳樹聲重修其制中爲

大成殿東西列兩廡前爲廟門夾以各宦鄉賢祠又前爲神
厨神庫寄牲所前爲櫺星門門之旁爲學門又進爲儀門

沂州府志

卷之十三

學校

垂

中爲明倫堂東西列治心養性二齋堂後爲敬一亭爲

啓聖祠文會堂饌堂饌厨觀心亭學舍學署在櫺星門旁今

圯

北麓書院

縣東北三十里元
張子塾隱居處

東山書院

縣東八里明推官
李燦然讀書處

俱圯

學田一係明知縣杜洽置一千五百畝共徵銀四十兩

五錢解學道以爲廩生貧生之費一係公詠所捐荒田

一項在城東小河莊屬社學

廩增廩生三十名增生二十名

入學文章十二名武童八名

上諭一部 又二部 廣訓一部 內典一本 駁呂留良講義八部 學政全書一部

御纂易經 書經 詩經 春秋各二部 性理二部

欽定文章一部 明史一部 資治通鑑綱目一部

日照縣學 元至正間縣尹仇敬建在縣治西南隅明洪

武三年知縣蘇惟一正統間知縣沈慶成化間知縣趙一

貫嘉靖十八年知縣梁道盛相繼修三十六年知縣張執

中改置城東河外三十七年知縣尹思四十年知縣劉

慶元續修萬曆五年知縣黃仕增修戟門名宦鄉賢祠二

沂州府志 卷之十三 學校

十四

十一年知縣杜一岸重修建敬一亭魁星閣四十二年知

縣陳如錦建尊經閣濬偃月池天啓二年知縣李玷於門

東西建兩石坊築文昌閣於學門左

國朝順治十三年知縣呂補袞督修太學生牟國衡捐貲千金

康熙七年地震損壞知縣楊士雄舉人牟憲明捐修二十

八年知縣佟國瓚捐修尊經閣五十二年知縣成永健倡

捐陸續修整至知縣彭宗古孫世璋李綬并署任知縣繩

武前後捐貲及紳士牟允斌等督理於乾隆二十四年修

竣尊經閣亦將次第告成其制中爲

大成殿東西列兩廡前爲戟門夾以鄉賢名宦二祠又前爲

偃月池又前爲櫺星門殿後爲明倫堂東西爲敬德修業

三齋今圯殿東爲

崇聖祠尊經閣在明倫堂後學署在學宮西基地一十一畝

七分舊教諭訓導宅俱在縣治西南舊學官廢

射圃亭在學宮東牆外久圯地基三畝五分四釐

六一齋書院

康熙六十一年知縣成永健建

今圯

學田在相家湖地一項二十畝

廩增廩生二十名增生二十名

入學文童十五名武童十二名

書籍

沂州府志卷之十三

學校

五

上諭八十本 廣訓一部 駁呂講義一部 訓飭士子文

御纂周易 書經 詩經 春秋各一部 性理一部

欽定四書文一部

三禮義疏一部

知縣李綬捐俸刷印移送學宮

十三經註疏 二十一史 明史 明史綱目 學政全

書 部頒祭器圖

安東衛學 始建城內西北隅其地湫隘明成化間遷十

字街西正德五年通判馮友瑞重修嘉靖初指揮楊寰拓

崇地更制移大殿兩廡於明倫堂東後掌印指揮胡世宗建

櫺星門萬歷間署教授掌印指揮趙繼勳修掌印指揮胡

承光改建明倫堂於大殿後其後多圯

國朝順治辛丑鄉貢蘇敷生倡舉修葺其制有

大成殿櫺星門

啓聖祠兩廡明倫堂戟門儒學宅餘多缺乾隆七年裁衛生

員歸日照在衛紳士猶阻勉修整焉

學田無

廩增 廩生二十名增生二十名

入學

文章八名武童八名

自歸日照後名隸日照實各自爲籍

齊州府志

卷之十三

學校

五



學田無

員歸日照在衛紳士猶阻勉修整焉

大成殿櫺星門

啓聖祠兩廡明倫堂戟門儒學宅餘多缺乾隆七年裁衛生

國朝順治辛丑鄉貢蘇敷生倡舉修葺其制有

沂州府志卷之十四

秩祀

附寺觀

一聖王先成民而後致力於神故其祀典曰社稷山川之神皆
 一有功烈於民者也及前令哲之人所以為民質也天之三辰
 一民所瞻仰也地之五行所以生殖也各山川澤所以生財用
 一也非是族也不在祀典然則祠廟壇壝載在正典有司以歲
 一時謹祀事宜也若乃佛廬道宇並列城鎮而歷代以來不聞
 一禁止或設僧綱道紀二司以主其洒掃之役者何與既而思
 一之二氏之教雖與儒者有殊然老子以清淨化民西漢之治
 一半由黃老佛氏慈悲為訓每能感善寢惡是亦法施於民之
 一沂州府志卷之十四 秩祀

志秩祀

學官諸祀已載
學校志不重錄

風雨雷雲山川壇

大清會典各省府州縣風雨雷雲山川城隍之神共一壇壇

二尺五寸方廣二丈五尺四出有陛南陛五級東西北

三級四面各十五丈繞以周垣出入以南門設庫房神

等與社稷同設三神位以木為之風雲雷雨居中山川

左城隍居右歲以仲春上戊日致祭祭用制帛七白色

謂兩帛四山祭品羊一家一劍一簋四豆四盞各二

磁

社稷壇

社主土勾龍氏配
稷主穀后稷氏配

大清會典各省府州縣社稷壇高三尺方廣二丈五尺四出陛
各三級北為前前九丈五尺後旁各五丈繚以周垣出入
以北門旁設神厨庫房宰牲房社用石主半埋土中稷用
木主歲以仲春上戊日致祭祭用制帛二黑色祭品羊一
豕一劍一簋四豆四盞各二

雍正十年奉

旨直隸各府州縣設立壇墀致祭社稷及風雲雷雨山川城

隍府志卷之十四 秩祀

二

隍之神以崇報享典至重也從前初建之時有司或視為
兵文規制未必周備及歷年既久漸有傾圮之處又未必
及時修葺是以遠僻之郡縣規模簡畧禮儀草率者往往
有之甚非肅將禋祀之本意也著禮部查照定例行文各
該督撫飭府州縣敬謹如式修理以重祀典仍令造冊報
部每遇該官員陞遷事故照例造入交盤冊內查明接受
庶有司自顧考成經理益加虔恪矣欽此經禮部通行修
理如式

先農壇

乾隆四年奉

上諭國以民爲本民以食爲天朕每歲躬耕籍田並非崇尚虛文以爲觀美實敬天勤民之至意禮曰天子爲籍千畝諸侯百畝據此則耕籍之禮亦可通於臣下矣朕意欲令地方守土之官俱行耕籍之禮使之知稼穡之艱難悉農民之作苦量天時之晴雨察地力之肥瘠如此則凡爲官者皆時存重農課稼之心凡爲農者亦斷無苟且怠惰之習似與養民務本之道大有裨益著九卿詳議具奏欽此九卿議覆通行直省府州縣於該地方擇東郊潔地照九卿所耕籍田四畝九分之數建先農壇壇高二尺五寸寬二丈五尺正廳三間中奉先農神牌東貯祭器農具西貯租

沂州府志 卷之十四 秩祀

穀廂屋二間東備祭品西住農民四面繚垣南向大門一座隨壇地四畝九分耕牛一隻農具一副自雍正五年爲始每歲仲春亥日府尹督撫及府州縣等官率屬員耆老農夫祭先農之神遂耕籍行九推禮籍田所收米粟敬謹收貯以供該處祭祀燦盛先農之祭用制帛一白色餘祭品與社稷同

城隍廟

明洪武二年崇城隍封號列於祀典直隸封公爵省會府州封侯爵縣封鑒察司民城隍顯佑伯秩四品所服旒章自元至七年改稱郡縣城隍之神定制凡府州縣新

官蒞任必先齋宿城隍廟謂之宿三每月朔望行香

大清會典各府州縣城隍廟令有司歲時致祭府州稱郡城隍之神縣稱邑城隍之神歲春秋合祭於風雲雷雨山川壇

新官蒞任告廟致祭每月朔望行香

按城隍之名肇於大易而祀典缺如自春秋以來各以類分祭四門而未有專祠至唐始令天下通祀城隍各立廟唐張說李德裕宋張九成皆有祭城隍文今定制既於風雲雷雨壇合祭又於城隍廟專祭或亦不知神之所在於彼於此之意與

附屬壇

沂州府志

卷之十四 秋祀

四

會典載各府州縣俱設壇於城之北郭府州稱郡屬壇縣稱邑屬壇高二尺四寸周圍五丈五尺前出陛三級繚以周垣南向每歲清明日七月望日十月朔日於壇中祭無祀鬼神前期主祭官詣城隍廟發告文屆期奉城隍神位於壇主主其祀城隍位前羊豕各一左右無祀鬼羊豕各二飯米三石

部頒祭社稷文

維乾隆 年歲次 月 朔越 日某省某府某州某縣某

官某等致祭於

社稷之神曰惟 神奠安九土粒食萬邦分五色以表封圻育

三農而蕃稼穡恭承守土肅展明禋時屆仲春敬修祀典
庶九丸松栢輦盤石於無疆芄芄黍苗佐神倉於不匱尚
饗

祭風雲雷雨山川城隍文

維乾隆 年歲次 月 朔越 日某省某府某州某縣
某官某等致祭於

風雲雷雨

山川

城隍之神曰惟 神贊襄天澤福祐蒼黎佐靈化以流形生成
永賴乘氣機而鼓盪溫肅攸宜磅礴高深長保安貞之吉

沂州府志

卷之十四 秋祀

五

憑依鞏固實資捍禦之功幸民俗之殷盈仰 神明之庇
護恭修歲祀正值良辰敬潔邊豆祇陳牲幣尚

饗

雩祭文

維乾隆 年歲次 月 朔越 日某省某府某州某縣
某官某等致祭於

社稷

先農

山川之神曰恭膺

聖命撫育群黎仰體

彭廷保亦之誠勤農勸稼佃惟節屨資生之本力穡服田令甲爰頒
肅舉祈年之典惟寅將事用中守土之忱黍稷維馨尚冀
明昭之受賜來牟率育庶俾豐裕於蓋藏尚

饗

關帝廟

順治九年奉

旨勅封忠義神武關聖大帝每歲五月十三日致祭雍正三年

詔令天下郡縣春秋祀關帝用太牢追崇三代

對曾祖爲光昭公 祖爲裕昌公 父爲成忠公立祠於正殿後奉

安

沂州府志

卷之十四

秩祀

六

神主一體致祭五年太常寺奏定祭品五月十三日祭制帛一

羊一豕一果品五祀後殿以公爵禮不用太牢餘祭品同

春秋二祭制帛一牛一羊一豕一籩豆各十後殿三代制

帛各一豕各一羊各一籩豆各八

部頒祭文

維乾隆 年歲次 月 朔越 日某省某府某州某縣

某官某等致祭於

忠義神武關聖大帝曰惟 帝浩氣凌霄丹心貫日扶正統而

彰信義威震九州完大節以篤忠貞名高三國 神明如

在遍祠宇於寰區靈應丕昭薦馨香於歷代屢徵異蹟顯

會典 伯群生恭值嘉辰遵行祀典筵陳饗豆几奠牲醪尚

饗

會典 關帝先代三公祭文

維乾隆 年歲次 月 朔越 日某省某府某州某縣

某官某等致祭於

關帝之大元以關帝廟對大氣晴火大星開山開海五丈原

曾祖光昭公

祖裕昌公

父成忠公曰惟 公世澤貽庥靈源積慶德能昌後篤生神武

之英善則歸親宜享尊崇之報列上公之封爵 錫命優

沂州府志

卷之十四

秩祀

七

隆合三世以肇禮典章明脩恭逢詠吉祇事薦馨尚

饗

火神廟

會典每歲六月十三日祭司火之神今多于歲首人日祭舊制

祀大辰以關伯配按大辰即大火星關伯陶唐氏之火正

也趙宋封宣明王

旗纛廟

會典每歲九月初一日祭軍牙六纛之神今于驚蟄霜降日祭

馬神廟

會典每歲九月初一日祭馬祖先牧馬社馬步之神今于春秋

仲月上戊日祭按周禮夏官校人春祭馬祖謂天駟房星也夏祭先牧始養馬者也秋祭馬祖始乘

馬者也冬祭馬步謂神之災害于馬者也

八蜡廟

會典郡縣均設八蜡廟歲時致祭先穡司穡先農郵表啜貓虎坊水庸昆蟲八神歲春秋仲月十四日祭

附劉將軍廟人稱劉猛將軍各郡縣俱設專祠春秋致祭

劉猛將軍名承忠吳川人元末授指揮弱冠臨戎兵不血刃盜皆鼠竄適江淮千里飛蝗遍野將軍揮劍追逐須臾蝗飛境外後因鼎革自沉於河有司奏請授猛將軍之號此出畿輔通志似爲得之山東通志乃承居易錄而誤

八蜡辨曰八蜡之誤由於陳澧禮記註按郊特牲先嗇曰

主蓋以其爲八神之主也其下曰司嗇曰百種則祭之也

沂州府志

卷之十四

秩祀

八

曰坊曰水庸亦言祭也曰郵表啜則享之而已曰貓曰虎

則迎而祭之而已迎而祭者不設爲位而迎祭於外也蓋

先嗇神農古之帝也其不可列於八神明矣故曰主其餘

不必實有姓名可指特想像其神以祭之司嗇與農尚不

可與神農並况貓虎乎經文主字祭字饗字輕重甚明其

曰昆蟲勿作者乃祭八神而祝其如此非祭昆蟲也陳澧

合貓虎爲一而降神農以充其數舍百種不入而收昆蟲

以補其缺不惟非禮亦且失體是不知神農嘗正祀八神

當旁祀也其主一其蜡八共爲九神百種不可少貓虎不

可合昆蟲不可入世有釐正祀典者當蒙印可

先醫廟

命員先醫廟每歲春二月冬十一月上甲日致祭廟中正列三皇伏羲神農軒轅左右四配勾芒風后祝融力牧東廡十四人儼貸季天師岐伯鬼俞區伯高俞跗少俞少師洞君太乙雷公馬師皇伊尹神應王扁鵲倉公淳于意張機西廡十四人華陀王叔和皇甫謐抱樸子葛洪巢元方真人孫思邈藥王韋慈藏啟元子王水鏡乙朱肱李杲劉完素張元素朱彥脩各郡縣不皆立先醫廟卽有廟而所祀亦各不同載此以示會典定制

以上俱無部頒祭文

部頒龍神祭文

沂州府志

卷之十四

秋祀

九

維乾隆 年歲次 月 朔越 日某省某府某州某縣某官某等致祭於

龍神曰惟 神德洋洋寰海潤澤蒼生允襄水土之平經流順軌

廣濟泉源之用膏雨及時績奏安瀾占大川之利涉功咨

育物欣庶類之繁昌仰借 神庥宜隆報享謹遵祀典式

協良辰敬布几筵肅陳牲幣尚

饗

部頒城門祭文

維乾隆 年歲次 月 朔越 日某省某府某州某縣某官某等致祭於

城門之神曰

詔命臨民職司守土惟兆人之攸賴並籍 神功奠四序之常禱群
蒙福蔭必使雨暘應候爰占物阜而民安庶其寒燠咸宜
共慶時和而歲稔仰靈樞之默運聿集嘉祥襄元化之流
行俾無苗害尚

饗

右龍神今不通祀城門之饗其武饒亦會典不載但秩祀
攸關不可廢也故錄其祭文

沂州府志

卷之十四

秩祀

十

外關不可廢也

行俾無苗害尚

共慶時和而歲稔仰靈樞之默運聿集嘉祥襄元化之流

行俾無苗害尚

詔命臨民職司守土惟兆人之攸賴並籍 神功奠四序之常禱群

城門之神曰

蘭山縣

社稷壇城外西北隅基地八畝無房屋 風雲雷雨山川壇城

南銀雀山南基地二畝五分無房屋 先農壇城東門外大殿

瓦房三間草房二間門樓一座壇地一畝籍田四畝 厲壇城

北門外搭棚設祭無基地房屋 城隍廟在縣治西北 八蜡廟在西北

旗纛廟舊在沂州衛 馬神廟在縣治北 關王廟在縣治西南 天齊廟在縣南四十里 文

昌祠在城西 宗聖祠在縣南 孝友祠在縣北三十里 五賢祠舊在

五里嘉靖間知州何格建乾隆十六年 更定五賢名目作詩記之于是知縣王澄移建城內府治西里

許詩載 右軍祠在普照寺前 忠孝祠在縣南 二疏祠在二疏城治副

卷首 靖僉事李 武侯祠在諸葛城 荀子廟在蘭陵城弘治間 玉皇廟在北

士允修 沂州府志 卷之十四 秩祀 土

火神廟在城內 東嶽廟在城內 三官廟在城南 三義廟在城南

季文子廟在縣西南 樊噲廟在故城北 普照寺在縣治西南 徐

公祠在南關祀東 沈公祠在縣治西祀知州沈應 藥王廟在縣

萬歷醫士張 祐德宮在縣治北 三元宮在北禪寺西 廣生宮在縣治

瑤率郡民建 虛官在縣東八十里 北禪寺在縣治北 水陸寺在縣治北 觀音寺在縣

轉琳寺在縣南 洪福寺在縣北 陽明寺在縣西南 淨止

寺在縣西南 茶芽山寺在縣北 旭照寺在縣西南 龍泉寺在縣

西三甘露寺在縣西 石埠寺在縣西 朗公寺詳朗公山 法輪院在縣

十里蒙 靈泉寺在縣東北 釋迦院在縣西南 香巖院在縣

一百五 洞淵觀在縣西南 長春觀在縣東 龍興觀在縣西南

十里 龍興觀在縣西南

社稷壇城西北任家莊基地二畝九分無房屋 風雲雷雨山

川壇城西南張家莊基地八畝無房屋 先農壇城東南南關

集正瓦房三間東西草房各一間門樓一座籍田四畝九分

厲壇城東北天齊廟莊基地二畝無房屋 八蜡廟在城外關東北隅

聖廟在縣南門外大興鎮同知韓文燬另建又馬頭鎮新舊各一城隍廟在縣治東龍王廟在馬頭鎮

馬神廟在西門內儒學西後禹王廟在縣東禹王臺北後圯雍正間知縣張相領帑重建

節孝祠在縣治東北玉皇廟在城東南一里真武廟在舊城北門內火星廟在馬頭集

在南門在縣西北六東嶽行祠在縣西三十里郊子廟在縣

五里寨在縣治北門內正德間知縣黃琮建邑監生張子社守宜重修康熙七年地震圯知縣黃六鴻修

沂州府志 卷之十四 秩祀 三

去思祠在縣治西北為明知縣席書唐龍建燬于兵康公祠在去思祠後為典史康友惠建二郎廟在縣南

三聖廟在縣西北揭府君廟在西南泰山行宮在縣南

集另在縣北門外地藏廟在縣西二十里大覺寺在縣東

由吾寺在縣東南三十里太平寺在縣西南二十里延慶寺在縣西南

冊在縣東北九十大慈寺在縣西南四十里清涼寺在縣西

社在縣北二十華巖寺在縣西三十里朱呂寺在縣北

高在縣北二十華巖寺在縣西三十里朱呂寺在縣北

社在縣北二十華巖寺在縣西三十里朱呂寺在縣北

寺在縣西北七廣福寺又名觀竹寺在縣重興寺在縣北七十

萬福寺在縣西北八磨山觀在縣西玉清觀在舊城北仁威觀在縣北七十

在舊城北觀音庵在縣治圓明庵在縣治青山庵在縣北八十

生生庵 在開明庵東大街南 明覺庵 在縣西南四里 三官閣 在馬頭集東南

費縣

社稷壇城北一里基地三畝二分四釐無房屋 風雲雷雨山

川壇城西門外基地三分二釐無房屋 先農壇城東正瓦房

三間東西草房各一間籍田四畝九分 厲壇城北基地三分

二釐無房屋 八蜡廟 在西城隍廟街西 龍王廟 在儒學東 蒙山

神祠 在蒙山前 關帝廟 在縣西 蒼山神祠 在城南 曾子祠 在縣西南 閔子祠 在王

溝東嶽廟 在西北 極廟 在城樓北 舜廟 在縣西一百里 潛臺滅明

祠 在西南 顏魯公祠 在縣治東一里 祠前 在縣西一百里 馬神廟 在太僕寺西 靈官

廟 在縣治西 玉皇廟 在縣東三里 三官廟 在縣治西北 石渠廟 在城南五里 崇興寺

沂州府志 卷之十四 秩祀

在縣西武安村元明皆有碑 元至康熙甲子冬 聖駕巡幸改為上廟寺 塔河院 在縣城西 丁游

祠 在縣治西南 仙姑祠 詳其地 開福寺 在縣治西 蒼巖寺 在縣南三里

寒雨寺 在城北 聖壽寺 在縣城 黃泉寺 在縣南 芙蓉寺 在縣南

有八百年 甘露寺 在縣東五里 魯埠寺 在縣西九里 其山寺 中有月泉唐

記 釋迦寺 在縣東 關陽寺 在縣西南 馬山寺 在縣南 白龍泉寺 在縣南

頭 玉泉寺 在縣南 洞真觀 在縣治西北 龍仙觀 在縣南 雲溪觀

在白 禮真觀 在縣北 玉虛宮 在縣北 泰山行宮 在縣西 南嶽殿 老

庵 小庵 在縣北 槐子庵 在縣西 爛柯庵 在縣西 不老庵

在不 白雲庵 在縣北 勝水庵 在縣北 大聖堂 小聖堂 在縣西

十里

社稷壇城北基地一畝無房屋 風雲雷雨山川壇城南基地

一地無房屋 先農壇城東關南正瓦房三間東西草房各一

間門樓一座籍田一畝三分 厲壇城北基地三畝三分無房

屋 城隍廟在州治西三皇廟在城東門外文昌祠在城內東北隅東嶽

廟在南關西真武廟在東關南寶願寺在州治後定林寺在浮來山山陵寺在陽

社蓮池寺在桃花社壽聖寺在黃埠社七聖廟在東關春場玉皇閣在北關外觀音

閣在南關南紫陽宮在後營街前有白衣觀音閣朝元宮在城內西南隅

沂水縣 社稷壇城西北門樓四座基地四畝九分 風雲雷雨山川壇

沂州府志 卷之十四 秋祀 四

城南門樓四座基地四畝九分 先農壇城東關外正瓦房三

間東西草房各一間籍田四畝九分 厲壇城北基地六畝無

房屋 關帝廟在城西北隅雉堞上龍王祠在城西火神廟在風雲雷城

隍廟在城內東北閔子祠在城西北馬王祠在龍王祠後聖水祠在城西

法雲寺在縣西北十五里聖壽寺在縣西北大善寺在縣西南荆山寺

在縣西北興福寺在縣北彌陀寺在縣西北源寺在縣西北

黃栢寺在縣西黃石寺在縣西南花之寺在縣西南薛玉臺

寺在縣西資慶寺即望仙寺紫陽觀在縣東迎仙觀在縣西北

里無為宮在縣治東瑞雲宮在縣西北

社稷壇城西北西嶺基地一畝一分無房屋 風雲雷雨山川

壇城南門外基地一畝五分無房屋 先農壇城東小河東正

瓦房三間東西瓦房各一間基地六分壇前場園地三分築田

四畝九分 厲壇城北門外北嶺基地一畝六分無房屋

八蜡廟 在縣東半里 城隍廟 在西門內 關帝廟 東西關俱建 忠義祠 雍正二年知縣高克

暮建在鄉 甘露祠 在寨子禱雨輒應久地 顯史廟 在縣西南一十五里 孝婦祠 順德社

洪廟 在金城水河 東嶽廟 在坦埠集 玉皇廟 坦埠方山楊莊俱建 都城隍廟 在上

后土廟 在類錦山 杜康廟 城東十八里月莊久廢 東嶽廟 盤車溝保德俱建又

堯山廟 在堯山陰有泉 九女廟 在九女山上久廢 忠義廟 在謝莊 天齊廟 在魯村 真

武廟 在許村 玉帝廟 在崗 壽聖寺 在縣南三里 延壽寺 在縣東南桃墟社 清泉

沂州府志 卷之十四 秋祀 五

寺 在縣北一百里 玉泉寺 在縣北一百二十里 洪福寺 在城北一百五十里 中山寺 在縣東六十里

彌勒寺 在縣東北二十里 書堂社 在縣東北七十里 龍泉寺 在縣西三十里 臺頭

寺 在縣西四十里 果莊 即老僧堂 湖天寺 在黃莊 釋迦寺 在樂莊 聖福

寺 在經汶莊 洪山寺 在縣東南四十五里 龍泉觀 在縣西南四十里 玉虛觀 在蒙山久廢 太

清觀 縣西關縣東五十里 樓真觀 在城北一百里 青陽觀 在丈八坵 三元閣 在東關 大

士閣 在仙洞山陰 觀音閣 在西關 觀音堂 西關較場東南俱有 慈悲堂 在楊家砦頂 三

教堂 方山下城 延壽庵 在柴峒西

日照縣

社稷壇城北基地一分六釐無房屋 風雲雷雨山川壇城

墓地一分九釐無房屋 先農壇地東正瓦房三間東西草

各一開門樓一座籍田西畝九分一闢壇城東北基地二分五

釐無房星 八蜡廟 在城西南城隍廟 在縣署關帝廟 在城西南嶺三皇廟

在西火神廟 在城隍廟西海神廟 在石所高興龍神廟 在城西南三十五

真武廟 在縣東關東嶽廟 在縣西龍姑山神廟 在城西北龍姑山去

官廟 在南關晏公廟 在縣治西明太祖封神霄王府晏公都

公祠 知縣馮舜田生祠在東門外久祀之見國獻家猷 馮

張公祠 在城北石汪店為知縣張堯輔建久祀 玉皇閣 在北觀音閣 在南土地廟

在縣普照寺 在縣聚奎廟 在城南二十里舊在山陽靈山龍神

廟 在大河南駐兵廟 在縣東北四十里唐太宗駐兵于此尉遲

今無矮岐寺 在朝元元通寺 在矮岐靈樵寺 在城西北磴山寺

沂州府志 卷之十四 秩祀 寺

在城南白雲寺 在城西南打了寺 在馱兒山腰上有危石大如

石當崩墜有禪師杖止之碧霞庵 在西準提庵 在城外割耳庵

連呼打了寺石遂不墜 碧霞庵 在西準提庵 在城外割耳庵

在南迴龍庵 去城六十里鴉子溝觀音堂 在東卧佛院 在嵐山

關外 迴龍庵 果木鬱蔥游衍勝處 觀音堂 在東卧佛院 在嵐山

江南交界處有唐碑 火燬元大德年碑存

安東衛廟 附

城隍廟 在巡檢署西南關帝廟 在巡檢署西真武廟 在衛城

原有古廟遺跡即元人海馬神廟 在巡檢署東三元行宮 在阿掖山

運泊舟處嘉靖年間重建 馬神廟 在巡檢署東三元行宮 在阿掖山

盛三官廟 在北觀音院 在巡檢署東南泉子廟 在阿掖山東創于至元

城西南三里河海卧佛寺 在海神上寺 在阿掖山東創于至元

清流危石甚盛地 也有元人碑刻

沂州府志卷之十五

記事

古今來廢興存亡之迹不可一端盡也多則勞畧則漏將以揭庶政之綱維垂千古之法戒使讀者一披閱間而千百年之故迹瞭如指掌非編年不足以志之夫各志之編年災祥兵火未嘗不記恒慮聖漏實多茲於七屬志書而外稍爲補其缺而正其誤凡無關本郡及散見各門者略之敢謂於歷代之變異民生之興耗與夫朝廷之軫救能保其無遺乎尚冀後人匡其不逮焉

記事上

沂州府志卷之十五 記事上

唐

舜攝行天子之政殛鯀於羽山

禹敷土海岱及淮惟徐州淮沂其乂蒙羽其藝厥田惟土中厥賦中中厥貢惟土五色羽畎夏翟

夏

后癸亥二十有三歲伐蒙山有施氏

周

成王元年淮夷徐戎並興魯侯伯禽普師於費

齊隱公二年夏五月莒人入向 冬十月紀了帝莒子盟於

密 四年春二月莒人伐杞取牟婁 六年夏五月公會齊

侯盟於艾一七年夏城中邱八年春三月鄭伯使宛來歸
訪十秋九月辛卯公及莒人盟於浮來九年冬公會齊侯
於防在費縣十年公會齊侯鄭伯於中邱

桓公五年城祝邱

莊公八年齊鮑叔牙奉公子小白出奔莒九年夏公伐齊
納子糾桓公自莒先入魯人歸管仲於齊鮑叔受之及堂
而稅之

閔公二年秋八月共仲奔莒莒人歸之及密而死

僖公元年冬十月公子友帥師敗莒師於鄆獲莒挈公賜季

友汶陽之田及費二十六年正月公會莒茲平公甯莊子

沂州府志

卷之十五

紀事上

二

盟於向

文公七年冬徐伐莒公孫敖如莒莅盟十二年季孫行父

帥師城諸及鄆十八年冬莒太子僕弑其君庶其

宣公四年春正月公及齊侯平莒及邾莒人不肯公伐莒取

向十一年公孫歸父會齊人伐莒十三年春齊師伐莒

十六年秋邾伯姬歸十八年秋七月邾人戕鄆子於鄆

成公四年冬城鄆七年春吳伐邾秋八月戊辰公會晉

侯齊侯宋公衛侯曹伯莒子邾子杞伯同盟於馬陵八年

冬十月晉士燮來聘言伐邾也季孫使宣伯帥師會伐邾

九年冬十一月楚公子嬰齊帥師伐莒庚申莒潰楚人入鄆

十四年正月莒子朱卒，敝比公立。

襄公四年冬十月，邾人莒人伐郕，滅紇，救之，敗於狐駘。

六年，莒人滅郕。七年春，邾子來朝。夏，城費。南遺為費，宰叔仲昭伯為隄。

欲善季氏而求媚於南，遺為遺請。八年，莒人伐魯東鄙，以城費。吾多與而役，故季氏城費。

十年，秋，莒人伐魯東鄙。十二年春三月，莒人伐

魯東鄙，圍台。季孫宿帥師救台，遂入郕。十三年冬，魯城防

十四年正月，季孫宿、叔老、會、善、士、勾、齊人、宋人、衛人、鄭公

孫、蕩、曹人、莒人、邾人、滕人、杞人、小邾人、會吳於向。晉執

莒公子務婁。夏，莒人侵魯東鄙，報入郕。十六年三月，公

會晉侯、宋公、衛侯、鄭伯、曹伯、莒子、邾子、薛伯、小邾子於溴梁。

沂州府志 卷之十五 紀事上 三

晉人執莒子邾子以歸，以侵魯故。十七年，齊高厚帥師伐

魯北鄙，圍防。十九年冬，城武城。二十年春，及莒平子孟莊

子會、莒人盟於向。二十三年，齊侯襲莒。門于且于，傷股而退，明日將復戰。

于壽舒杞殖、華還，載甲夜入且于之隧，宿于莒郊。明日先遇

莒子於蒲侯氏，莒子重賂之，使無死。曰：請有盟。莒子親鼓之，

從而伐之，獲杞。二十四年秋七月，齊崔杼帥師伐莒。三十一年冬十有一月，莒人弑其君密州。

昭公元年春三月，季武子伐莒，取郕。秋，莒展興立，而莒羣公

子秩、公子召去疾于齊。齊公子鉏納去疾為著，邴公展與奔

吳，叔弓帥師，疆郕田。於是莒務婁、管胡及公子滅明，以大麇

當後，齊奔莒。二十五年秋九月，魯城郕。二十五年夏，莒奪武以奔

婁及防茲奔魯 秋七月公至自晉莒人來討戊辰叔弓敗

諸蚡泉 七年晉人來魯治杞田季孫將以成與之謝息爲

孟孫守不可季孫與之桃辭以無山與之萊柞乃遷於桃

四月甲辰朔日有食之及降婁之次 十年秋七月季孫意

如叔弓仲孫矍帥師伐莒取郕 十二年季平子不禮於南

蒯南蒯以費叛如齊 十四年南蒯盟費人司徒老祁慮癸

因民之欲叛也請朝而盟却南蒯遂奔齊 秋八月莒著邱

公卒

邾公不感國人弗順欲立著邱公之弟庚與蒲餘侯惡

公于意恢而善於庚與邾公惡公子鐸而善於意恢公

子鐸因蒲餘侯而與之謀曰爾 冬十二月蒲餘侯茲夫殺

沂州府志 卷之十五 記事上

四

賂田 十七年秋邾子朝魯 十八年夏六月邾人入郕

邾人將閉門邾人羊羅攝其首焉遂入之盡

俘以歸邾子曰余無歸矣從幣於邾邾莊公反邾夫人而舍

其 十九年春宋公伐邾 邾夫人入宋向成之女也故向寧請

師圍蟲三月取之乃盡歸邾俘 秋齊高彘帥師伐莒莒子奔紀鄒使孫書伐之 二十有

二年春二月甲子齊侯伐莒莒子如齊蒞盟 二十三年莒

子庚與虐而好劔國人將叛遂奔魯齊人納邾公 二十六

年秋公會齊侯莒子邾子杞伯盟於郟陵

定公五年子洩爲費宰 公山弗擾以費叛 十二年仲由

爲季氏宰墮費 十四年魯城莒父及霄 子夏爲莒父宰

哀公三年夏季孫斯叔孫州仇帥師城啓陽 七年夏公會

吳於鄆 八年吳伐魯子洩率故道險從武城 十四年

王三十 九年 夏五月莒子狂卒 田常割齊自安平以東至琅邪

自爲封邑 安平在臨淄東十里琅邪今沂密等縣皆是 十七年公會齊侯盟於

蒙

考王十年楚簡王滅莒

顯王十四年齊威王使其臣檀子守南城

赧王三十一年燕樂毅破齊齊湣王奔莒子法章立爲襄王

秦

始皇既併六國分天下爲三十六郡置琅邪郡東海郡鄒郡

詳沿革

沂州府志 卷之十五 記事上 五

二世元年陽城人鄧說將兵居鄉章邯別將擊破之走陳陳

王誅鄧說時陵人秦嘉等皆將兵圖東海陳王使武平君畔

爲將軍監鄒下軍秦嘉不受命 二年秦嘉起兵於鄒

漢

高帝二年項羽北至城陽田榮將兵會戰不勝走至平原民

殺之項羽復田假爲齊王田橫收齊王卒得數萬人返城陽

擊假假走楚殺之 四年冬十月漢將韓信襲破齊齊王廣

東走城陽 十一月韓信追北至城陽虜齊王廣 六年冬

十二月以膠西膠東臨淄濟北博陽城陽鄒七十二縣立外

帝子劉肥爲齊王 封丁復爲陽都侯

昭惠二年齊悼惠王朝吕后欲酖之齊內史士說王獻城陽郡爲魯元公主湯沐邑后喜乃歸齊王 春正月癸酉有兩龍見於蘭陵延東里溫陵井中至乙亥夜去

文帝元年置城陽國 海曲地震 二年封劉章爲城陽王

四年城陽王薨子喜立 封齊悼惠王子賢爲武城侯

十一年城陽王喜徙淮南城陽郡屬齊 十五年復置城陽

國 十六年淮南王喜復徙城陽改武城侯賢爲淄川王

後元年城陽王喜薨子延立 中元五年封王信爲蓋

景帝元年春三月填星在婁入奎 中元五年封王信爲蓋

侯 景帝元年春三月填星在婁入奎 中元五年封王信爲蓋

沂州府志 卷之十五 記事上

六

太始三年春二月幸東海 元朔二年春正月詔曰梁王城

陽王親慈同生願以邑分弟其許之 五月甲戌封共王弟

劉緝等三人爲侯 四年春三月乙丑封共王子嬰等九人

爲侯 元狩元年封項王子昌等十八人爲侯 三年海曲

大水 五年城陽王延來朝薨子義立 元鼎五年嘗酎奪

列侯爵城陽十七人與焉

始元三年鳳凰集東海遣使祠其處 熒惑在婁入奎 元

鳳五年夏四月燭星見奎婁間

元康三年封張彭祖爲陽都侯 本始四年夏四月壬寅地

震山崩 甘露四年封魯孝王子強爲東安侯

初元元年大饑人相食 建昭二年冬海曲大雪深五尺

鴻嘉二年城陽孝王子雲立一年薨無嗣以弟俾紹封二十
八年王莽貶為公尋廢 天鳳四年呂母作亂 琅邪樊崇

起兵於莒同郡人逢安東海人徐宣謝祿楊音各起兵合數
萬人從崇攻莒不下遂去至姑幕擊莽探陽侯田况大破之

地皇三年赤眉別校董憲作亂王匡廉丹擊之匡敗走靡
丹戰死

東漢

建武元年更始以王闔為琅邪太守張步據郡拒之闔論降

二年夏封劉祉為城陽王 三年春二月劉永立董憲為

沂州府志 卷之十五 記事上

七

海西王 海西即日照 見劉永傳

四年使平敵將軍龐萌與蓋延共擊

董憲萌反襲延軍破之與董憲合帝自將破之 秋七月董

憲屯昌慮 今滕縣 招誘五校餘賊拒守建陽 在沂州 後五校乏食

引去帝大破之憲及龐萌走保邾 八月吳漢拔邾董憲龐

萌走保胸吳漢進圍胸 耿弇陳俊破張步步降 五年陳

俊為琅邪太守始入境盜賊皆散耿弇復引兵至城陽降五

校餘黨齊地悉平 六年吳漢等拔胸斬董憲龐萌山東悉

平 七年琅邪啓陽南門一柱飛抵洛陽 十三年封城陽

共王子堅為高鄉侯 十五年封子京為琅邪公 十七年

晉京為琅邪王 六月廢皇太子強為東海王立東海王陽

爲皇太子改名莊

永平二年京以泰山郡之葛南武陽犇東萊郡之昌陽盧鄉
東辛益琅邪 五年京就國都宮 六年琅邪王來朝

建初二年冬十二月戊寅彗星出婁二度百有六日 六年

春二月辛卯琅邪王京薨子夷王宇立 七年琅邪王宇朝

京師曰元和三年琅邪井水冰

永元元年城陽嘉禾一莖九穗 二年春正月乙卯金木俱
合於奎 丙寅水又在奎 辛未水火木在婁 日有食之

在奎八度

永初三年秋七月海賊張伯路等寇濱海丸鄉擊走之 元

沂州府志

卷之十五

記事上

八

初四年春二月乙亥朔日有食之在奎九度

永和六年春二月丁巳彗星在奎一度

永壽元年置琅邪都尉官 二年公孫舉東郭寶等寇青兗

徐三州司徒尹頌薦段熲拜中郎將擊斬之 八年罷琅邪

都尉官 延熹三年琅邪賊勞丙泰山賊叔孫無忌攻琅邪

屬縣中郎將宗資討平之

光和六年琅邪井中冰 五年彗星出奎逆行入紫宮六十

餘日

興平元年曹操迎父嵩於琅邪陶謙爲徐州牧襲殺之操引

兵擊謙謙敗走邳操攻之不克

建文元年東海蕭建爲琅

邢相治莒 四年曹操遣臧霸入青州破東安 十一年立
故琅邪王容子熙爲琅邪王 李典樂進破海賊管承承入
海 二十一年曹操殺琅邪王熙國除

魏

景初元年秋九月大水

晉

太始元年封叔父仲爲東莞王倫爲琅邪王 四年秋九月

大水 五年大水 咸寧三年徙琅邪王倫爲趙王徙東莞

王仲爲琅邪王皆遣就國 太康元年平吳設青州

詳沿革

二年雨雹 四年秋大水 六年春三月隕霜殺桑麥二龍見於東

沂州府志

卷之十五 記事上

九

莞 十年分琅邪置東莞郡

詳沿革

永熙元年以東安公繇爲尚書左僕射晉封東安王尋免

元康五年夏四月有星孛於奎 六月大水 六年隕霜殺

麥宋

永嘉二年春三月劉淵將王彌分遣諸將攻掠青徐兗三州

建興三年漢劉聰青州刺史曹疑據東方郡縣

東晉

大興元年秋八月蘭陵東莞二郡蝗 二年泰山太守徐兪

以郡叛破東莞遣太子左衛率羊鑿爲征虜將軍督徐州刺

史蔡豹等討之 夏四月甘露降於臨沂 三年夏四月廿

露降琅邪費縣 秋八月徐龔降百勒

大寧三年春正月後趙將兵都尉石瞻取東莞 二年莒縣

大水

咸康二年春正月彗星在奎 夏六月辛未流星出奎中沒

雙北 一旱饑

永和元年趙石虎虐徐民流叛 七年春三月戊子歲星熒

惑合於奎

咸安元年桓溫廢帝奕爲東海王又封海西縣公

按東海海西皆沂州

府地也但非實封故不詳記

太元十一年琅邪費縣榆木連理 十五年秋八月蝗 大

沂州府志

卷之十五

記事上

十

永泰十九年燕主慕容垂破秦斬苻登命遼西土農安南將

軍尹國畧地青兗琅邪諸郡奔潰農進軍臨海徧置守宰

隆安三年燕慕容德自琅邪引兵而北以南海王法爲兗州

刺史鎮梁父進攻莒城守將任安委城走德以潘聰爲徐州

刺史鎮莒城

義熙二年南燕王備德卒兄子超襲位兗州刺史慕容法與

北地王鍾徐州刺史段宏反超遣濟陽王凝及韓范等攻徐

州兗州莒城拔段宏奔魏濟陽王凝謀殺韓范范攻凝凝奔

梁父范並將其衆攻梁父克之法奔魏凝奔秦 三年春

月太白晝見在奎 二月熒惑躔星太白辰星聚於奎

五年劉裕伐慕容超至琅邪次東莞登團城超敗績遂執之
青州平

宋

元嘉五年白雉見東莞 秋七月白鹿見東莞 八年莒縣

松柏連理 二十八年魏師破青徐等六州

泰始三年秋八月魏東徐州刺史成固公戍團城地形志魏置南青州

於團城胡三省曰團城在沂水縣按 冬十一月分徐州置

此時張謙守團城則團城又一城也 東徐州以輔國將軍張謙為刺史謙時守團城就置東徐州以刺史命之 四

年魏尉元遣使說張謙以團城降魏魏以中書侍郎高閭對

為東徐州刺史同鎮團城 七年冬十月命北琅邪蘭陵二

沂州府志 卷之十五 記事上 土

郡太守垣崇祖經畧淮北入魏境七百里據蒙山此指舊琅邪蘭陵郡

也魏收志蒙山在東安郡新泰縣東南 十一月魏東兗州刺史于洛侯擊之

崇祖引還

梁

天監五年秋七月丙寅桓和擊魏兗州拔固城固城在今費縣 上

遣角念將兵屯蒙山招降兗州 將軍蕭及屯固城桓和屯

孤山魏邢巒遣統軍樊魯攻和別將元恒攻及統軍畢祖朽

攻念壬寅魯大破和於孤山恒拔固城祖朽擊念於蒙山梁

師敗績遂克蒙山 十年琅邪民王萬壽殺東莞琅邪二郡

太守劉晰梁紀誤據胸山魏徐州刺史盧景遣郟城戍副張

天惠琅邪公主傳文驥赴胸山詔振遠將軍馬仙琕擊破之
普通五年冬十月彭寶孫茂魏東莞壬戌裴邃攻壽陽之
安城丙寅馬頭安城皆降 大通元年將軍彭羣王辨圍魏
琅邪魏青州刺史彭城王邵遣司馬鹿愈南青州刺史遣長
史劉仁之擊之梁師敗績

北齊

太和三年秋七月己未客星見房心入奎婁六十九日

隋

開皇六年莒縣大水 十一年以劉曠爲莒州刺史 十四
年冬十一月癸未有星孛於虛危及奎婁 十五年兗州大

沂州府志

卷之十五

記事上

十一

水 大業三年春二月彗星見於奎 五年莒大饑 八年

莒大旱 十年冬十二月東海賊帥彭孝才轉據沂水留守

董純討平之 十二年魯郡賊徐圓朗攻陷東平略地至琅

邪

唐

武德二年海岱賊徐圓朗以數州之地請降拜兗州總管

貞觀三年秋大水 八年莒縣大水

總章元年莒縣旱饑

永隆元年沂州大水

開元二年蝗 四年蝗

貞元元年夏菅縣旱 蝗 六年春閏二月熒惑犯填星在奎

元和十五年春三月填星太白合於奎 冬十二月熒惑填

星合於婁

長慶二年八月有大星流經奎婁

開成五年夏蝗

會昌四年秋八月丙午有大星入奎婁

乾寧四年朱全忠破朱宣盡有奇灘沂密之地

後唐

天成三年春正月金水合於奎

沂州府志

卷之十五 記事上

三

後晉

天福七年蝗

後漢

乾祐元年密州蝻

宋

乾德五年春三月五星聚奎 六年春正月壬寅歲星填星

太白合於奎 開寶八年夏六月沂水大雨

端拱元年夏閏五月辛亥有星出奎如半月北行而沒

年大旱

景德三年密州莒縣蝗 沂州軍賊王倫等作亂

出六一 居七集

慶歷八年莒縣大水

元祐六年冬十二月有星孛入於奎 紹聖三年秋九月沂

州地震

崇寧四年蝗 五年春正月彗出西方自奎入婁 大觀四

年彗出奎婁

自此以後金人劫二帝北行淮北盡爲金有故不記宋而記金

金

天眷元年夏六月乙巳客星出奎宿 正隆六年冬十月宋

李寶及宿遷人魏勝敗金主亮舟師於日照縣石臼島 明

昌二年旱大饑 太和六年旱 蝗

太安二年益都人楊安兒攻據莒密改元天順其僞元帥郭

沂州府志

卷之十五 記事上

四

方三據密州掠沂海李全據臨朐山東路統軍撫使僕散安

貞敗之沂州防禦使僕散留家略定膠西等縣宣差伯德玩

襲殺郭方三其後安兒入海死 三年劉二祖作亂安貞遣

提控紇石烈牙五塔擒斬之及僞參謀崔天祐僞太師李思

溫餘衆保大小峻角子山

在日照出僕散安貞傳

昌樂縣令木虎桓

都臨朐縣令兀顏吾丁福山縣令烏林答石家奴壽光縣巡

檢紇石烈醜漢破李全於日照縣田球承制各遷官一級進

職一等

出田球傳

貞祐四年丙子盜郝定陷新泰

蒙陰屬新泰

興

定元年李全歸宋襲莒州取之 二年春宋以李全爲京東

路總管 夏五月招撫副黃樞阿魯答襲破李全於莒州及

日照之南 六月李全寇日照博興紇石烈萬奴敗之 三
年李全說金張林以青郡密十二郡歸宋 正大四年李全
破元圍尋以青州降元爲山東行省 貞祐四年夏四月丁
酉太白晝見於奎北十有六日 六月丙申歲星晝見於奎
百有一日

按淮北數千里殺戮塗炭皆李全之所爲也李全濰縣人
驍勇無賴初楊安兒爲盜李全與兄福亦聚衆數千及金
討斬安兒安兒妹四娘子楊妙真善騎射統其衆全以衆
附之遂與妙真通值金政衰亂宋室偷安全遂襲破莒州
克密州青州山東之地幾盡爲所有陰陽於宋金元之間
沂州府志 卷之十五 記事上 五
其百姓受毒始於楊安兒中於李全及妻楊氏終於義子
李瓊後全攻揚州陷泥渾中衆碎其尸楊氏北回數年死
李瓊降元浴必赤史天澤斬之

元

太宗五年癸巳金人以沂海等州降 莒州萬戶重喜築十
字路城

至元十九年大疫

元貞五年大水 十年饑

大德元年妖星出奎 秋九月又犯奎 天德二年蝗 七

年蟲食麥 十年大水

延祐元年春三月贊皇莒州大水 六年大水 七年饑

至治元年春正月太白熒惑填星聚於奎三月亦如之

大定元年大水

天歷元年夏五月沂州大饑賑 二年莒州蝗 三年沂莒

二州饑 至順元年秋大水

元統二年冬十月朔赤氣亘天 至元二年日照饑 五年

莒州饑 秋七月沂沭二河橫溢臨沂大水 至正四年秋

八月蒙陰莒州地震 七年春二月地震 十一年冬十一

月彗星見奎婁 十三年春三月太白辰星聚奎 十七年

劉福通將毛貴陷青州諸縣 十八年蒙陰縣饑 十九年

沂州府志 卷之十五 記事上

六

沂水日照饑 二十三年秋八月丙辰沂州有赤氣亘天中

有白氣如蛇行夜分乃滅 二十七年夏六月丁卯沂州東

蒼山巨石崩聲震如雷 冬十月朔大將軍徐達遣人至沂

州諭元鍾將王宣父子宣遣子信納款且奉表賀平張士誠

上遣使授信行省平章聽達節制密諭達宣父子詭詐宣勸

兵趨沂州觀變十一月遣徐唐臣等諭王宣從征宣不欲行

令信往莒密募兵爲備佯來犒師旣還卽叛達卽日遣兵討

之宣出降令宣爲書招信信與兄仁走山西達以反覆戮之

諸縣皆降

明

洪武元年始置郟城縣 冬十月火逐金過齊魯分 青州

亂民孫古樸等襲莒同知牟魯死之事在洪武初年附此 五年冬十

二月敕中書命有司考課必有學校農桑之績日照知縣馬

亮考滿無課農興學之效黜之 十五年始建縣學頒石碑

於學宮 十九年饑 二十四年饑 二十六年冬十一月

兗州大水 二十七年日照江伯兒殺子事聞定旌表例

永樂十三年饑 十八年大饑 蒲臺妖婦唐賽兒犯莒州

宣德八年夏莒州旱饑

正統三年兗州饑 五六年兗州蝗 十一年兗州大水

十三年雷震沂州城門

沂州府志 卷之十五 記事上

景泰三年兗州霖雨 四年冬十一月日照大雪海皆凍

五年春正月太白歲星合於奎 秋八月兗州大水 七年

春三月太白熒惑合於奎 大水 天順元年霖雨大饑

成化四年費縣大饑 疫 夏六月大水 九年春三月兗

州晝晦踰二時乃霽 大饑饑人相食 十三年沂州郟城

地震 十五年莒州進瑞麥嘉禾 十七年沂州大饑饑人

相食 蒙陰苗家驢產麒麟 十八年大水 二十一年春

至秋不雨 蝗災人相食

弘治五年沂州蝗 大旱饑人相食 六年春大旱 費縣

蝗

正德三年大旱人相食 六年春三月霸州賊劉六劉七賊
晏明等數萬人攻日照蒙陰沂州費縣沂水皆破之日照典
史余清義官司福死之 秋七月劉六等又攻日照縣指揮
董鼎戰敗指揮石盤開門遁城破知縣李茂被執後釋之 九
月劉六等復破日照沂水費縣等十城攻安東衛幾陷 七
年春正月流賊楊虎率衆攻費縣城 八年沂州知州朱燾
詳請都司鎮守不便改兵備道 十年冬十一月沂州郟城
地震 十四年秋八月郟城大水 十五年費縣大饑 疫
嘉靖元年秋九月鑛徒王堂率衆掠費縣 二年莒州地震
大水 三年冬沂州郟城費縣大饑人相食 四年春費

沂州府志

卷之十五

記事上

六

縣大饑 五年夏費縣大旱 六年秋費縣蝗 冬大寒

七年春費縣蝗 秋蝗 冬十月沂州星隕如雨 十年沂

州麥秀兩歧 十三年青州兵備道康天爵築寨於日照之

巨峯以防鹽徒分青州衛官軍莒州日照土兵守之 十五

年秋沂郟大水 冬十月有星隕沂州城中 十六年夏費

縣大水 有星隕於郟城化爲石 十七年春不雨 夏淫

雨無麥禾 賊季還宗等以十六騎攻莒州范國卿禦之

十八年費縣莒州大旱饑 疫 夏四月雨雹 秋七月旱

辛卯夜日照大風雨海水溢岸五里 十九年冬十月日

照縣西南有氣如火黑氣從中截之 二十年費縣大旱

秋日蝗 二十二年春三月沂州日照鄒城費縣地震

二十三年春沂州費縣大水 二十四年春沂州隕霜殺禾

夏旱 蝗災 四月雨雹 二十五年夏沂州費縣鄒城

大水 秋八月沂州鄒城地震 二十六年費縣杏樹開梨

花 二十九年春費縣旱 三十一年秋七月費縣鄒城蒙

陰沂水大水 三十二年鄒城費縣莒州蒙陰沂水大水

大饑 三十三年沂州鄒城費縣莒州蒙陰大饑人相食

三十四年秋費縣蝗 三十七年夏四月費縣雹 三十八

年夏莒州大旱 蝗 冬疫 四十二年春莒州大疫 秋

費縣旱災 八月費縣地震 四十二年日照大饑 四十

沂州府志 卷之十五 記事上

五

四年春莒州大風 夏大蝗

隆慶元年夏四月鄒城雨雹 二年沂水大水 三年秋七

月鄒城莒州日照大水 六年秋七月蒙陰鄒城大水

萬曆二年秋七月沂州費縣鄒城大風雨饑 四年冬十一

月沂州費縣雨血 大星隕 五年秋九月彗星見 六年

冬十一月大雨雪人畜多死 七年春正月朔沂州鄒城雷

震雨雪 日照麥秀兩岐 八年春正月龍見於沂水之南

城 秋七月龍見於鄒城之南 九年秋沂州隕大星 十

年莒州椿樹連理 十一年夏四月費縣雨雹 莒州蝗

六月鄒城大雨 秋七月沐河溢 八月雨雹 十二年沂

續編自二月至七月霖雨

水大溢

十三

四十五年鄭城至日照旱饑 十八年日照自春正月不

雨至夏五月 二十年莒州地震 二十一年夏淫雨沂州

莒州費縣蒙陰日照饑 二十二年大饑 春一月日照海

水退十里 二十五年秋八月莒州不雨水沸 三十年秋

八月費縣地震 三十一年秋沂州大水饑 三十四年沂

州馬陵山地陷丈餘 三十五年夏沂州大水 冬十一月

向城地震 三十六年春夏沂州莒州大旱 秋大水 冬

十月沂州地震 三十八年旱 夏四月莒州費縣地震

四十年秋莒州大風雨 冬十二月晦莒州雷電 四十二

沂州府志

卷之十五 記事上

三

年秋莒州費縣大水 莒州大疫 四十二年乙卯大旱蝗

蠶振 沂州劉好問聚眾劫掠兗東遺流殲滅之 四十四

年大饑人相食命御史過庭訓賑濟許有力者納粟捕蝗補

庠生 四十五年費縣蝗 四十七年蚩尤旗出東方掃牽

天啓二年春三月太白經天 鉅野縣人徐洪儒以邪教聚

眾數萬劫漕船陷鄒滕嶧鄆等十五縣沂州人爲內應州人

總兵楊肇基同子楊御蕃都司楊國棟討平之 七年夏六

月沐水漲沂州郯城等縣災

崇禎四年大水沂水蒙陰災 五年春沂州旱 夏六月始

雨至秋八月雨 海賊劉新等襲官船之安家村百戶房建

新敗之 六年夏四月郟城大水雹 七年蝗 秋大水

九月大雪 九年秋沂水溢郟城災大饑 十年夏太白晝

見 秋九月奉旨行條鞭法 十二年大旱饑 十三年蝗

大旱饑八相食 十四年蝗 大饑 兗州土寇史二姚三

等率衆十萬掠沂水費縣蒙陰張問行擊敗之遂流入沂州

郟城 秋七月姚三賊數萬復寇蒙陰沂州費縣 冬十二

月李青山朱連堂賊數萬復寇蒙陰巡撫王公弼總兵劉澤

清平之 十五年冬十二月大兵破沂水蒙陰郟城莒州安

東衛城 日照鷓鴣至數月始絕

此鳥出北方沙漠地見則有兵亂俗名沙雞

十六年李青山朱連堂餘黨復反沂州遊擊楊衍

楊肇基孫擒之

沂州府志 卷之十五 記事上

五

莒賊曹武生率賊千餘掠日照據九仙山爲諸城知縣程
澇膠州連副將擊平之

沂州府志卷之十六

記事下

國朝

順治元年山東土寇蜂起攻日照等處秋九月大兵來鎮沂州民始安堵 三年查各州縣無主荒地俱報明開除日照知縣王士奇不報包納空糧自此始 大疫人畜死者甚衆

夏五月沂州蒙陰大水 四年夏蒙陰沂水大水蠲賑

莒州大旱 冬十一月土寇丁明吾陷蒙陰城知縣崔封死之至八年督府張存仁討平 除兵荒處逃亡人丁荒地

五年夏莒州大雨兩月蠲賑 六年秋七月沂河溢 冬十

沂州府志

卷之十六

記事下

二月榆園賊杜冲等寇日照知縣仇寧率衆禦之 七年鄒

城日照大水 春正月榆園賊寇安東衛夏五月入沂水

八年春二月沂州西山賊王肖武陷郟城舉人杜之棟死之

夏六月大水蠲賑 榆園賊犯日照濤洛口 九年頒卧

碑於學宮 費縣蝗 沂沐水溢 秋蒙陰大水饑 發旗

兵討土寇王肖武滅之 十一年蠲免錢糧 見卷首 十二年

討榆園賊滅之 十三年蠲免錢糧 見卷首 十四年頒賦役

全書 十六年夏五月霖雨七州縣大饑

康熙二年設青駝驛 三年蠲免錢糧 見卷首 春三月沂州

日照雨雹 四年春大旱蠲賑 見卷首 日照大雨雹 夏大

年 蝗 秋大水巡撫周有德疏奏蠲賑見卷首 五年日

遼 蒙陰民滕氏家猪產象尋死 六年沂州郟城麥秀南

岐秋郟城穀亦如之 七年六月十七日地震 八年蠲免

見卷首 九年地震 秋旱 冬十二月大雨雪人畜果木多

凍死 賑濟莒州費縣 十年蠲免見卷首 秋八月莒州霜

殺稼 地震 沂水大旱 蠲賑見卷首 蒙陰蝗忽有蝦蟆

數萬食之始盡大稔 十一年夏四月沂州費縣雨雹 郟

城曹莊龍鬪 秋七月蝗 地震 十二年設李家莊驛移

青駝寺驛於徐公店又設梁莊驛於沂水 十三年沂州郟

城費縣旱 十四年夏四月莒州霜殺麥 十七年旱 秋

沂州府志 卷之十六 記事下 二

大水沫水溢 十八年沂水莒州饑 蠲賑見卷首 頌

聖諭十六條 彗星見 春二月開海禁 十九年沂水蒙陰大水

蠲免田糧十分之三 冬十一月彗星見 二十二年夏

莒州大水饑 沂水麥秀兩岐 二十三年春沂州費縣郟

城大饑 蠲免見卷首 二十四年夏靈雨沫沂水決河有海

魚 苦淋雞夜啼城頭數十日 設沂郟海贛同知 二十

五年免山東地丁錢糧 二十八年蠲免見卷首 二十九年

蠲免錢糧見卷首 三十年

各省錢糧山東省係三十六年 三十一年莒州蝻 三十六

年夏六月莒州蝗 秋八月莒大霜 蒙陰災賑見卷首 三

十七年春莒州沂水饑 見卷首 賑 費縣土寇林三卓王九

龍等搶掠鄉村知縣惠潤會幸陽鎮巡檢陳茂桐擒之 三

十八年費縣饑 賑 三十九年秋七月沂州莒州郯城大

水 費縣有蟲食豆忽有驚數萬食之豆大稔 四十一年

夏六月沂水縣沂河溢 沂州郯城費縣大饑 四十二年

大水無麥 冬無雪大饑 費縣蒙陰調賑 見卷首 海賊劫

日照之任家臺 四十三年自正月至夏五月不雨 六月

大雨大饑 調賑 見卷首 費縣二麥俱收秋大稔 四十四

年頒訓飭士子文 莒州饑 賑 四十五年莒州豆青枯

四十八年春大雨三月沂州郯城大饑奉

沂州府志 卷之十六 記事下 三

旨賑濟 四十九年

上諭蠲免五十年錢糧歷年舊欠免徵 五十年禁增建寺廟 夏

五月莒州解家莊有怪風木石俱飛 蒙陰沂水大水 賑

五十一年春郯城大水免本年田租十之二 五十二年

蠲免丁地錢糧 見卷首 五十二年蒙陰縣災 調賑 見卷首

五十五年夏六月蒙陰大水 調賑 見卷首 五十六年春賑

蒙陰 五十七年秋七月日照縣大風拔木 莒州日照旱

饑 五十八年春日照旱饑 秋大水 五十九年樂安等

十五州縣安東衛等六衛所五十八年秋旱其未完緩此報

兩於太時於十一兩年帶征 冬鄂嚴聚於大舟出時之

聖朝廣訓 三年春正月莒州大雨雨後大旱三月沭河乾 五年

日照知縣劉翰書修安家口城防海 七年夏四月莒州雨

沂州府志 卷之十六 記事下 四

風雨 賑濟見卷首 九年春大饑 賑濟見卷首 設克莒沂

道 十年春自正月至夏六月不雨莒州日照豆被蟲傷災

十一 十一年春三月費縣水 莒州雪 夏六月大風四晝夜

損禾 秋七月又大風損禾 蟲食豆 蠲免見卷首 沂州

郟城大水 蒙陰地震 賑濟

乾隆元年夏大赦 二年日照饑免錢糧分數 三年夏藺

山日照旱 蝗 五年秋八月日照縣有嘉禾 七年秋七

月郟城大水 賑恤 冬十二月日照大雨雪樹多死 八

年夏六月日照旱 冬十一日彗星見自危宿歷室璧及奎

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

賑濟 賑濟 賑濟 賑濟 賑濟 賑濟 賑濟 賑濟 賑濟 賑濟

度明年二月乃滅 九年日照海溢 蒙陰大雨雹 秋七

月日照大風 蒙陰南保村生員李姓家牛產如麟等死

十年蘭山郟城費縣日照水災賑恤 蒙陰大有 冬大雪

十一年夏四月莒州大雨雹 五月至七月大雨 六月

莒州大風拔木自九月不雨至十二年春三月始雨大饑

賑恤 日照縣海溢至東關水與城齊 沂水縣河水大溢

十二年築沂河兩岸復郟城墨河 春蒙陰大雨雪 郟

城旱人相食 夏四月日照雨雹 五月蘭山郟城莒州蒙

陰日照大水 蒙陰大疫 秋大饑 賑濟見卷首 十三年

日照海溢 莒州大水 蘭山郟城費縣沂水蒙陰旱 蝗

沂州府志 卷之十六 記事下 五

蠲賑見卷首 十四年蠲免錢糧 十五年春蘭山郟城日

照恒雨大賑 三月日照雨雹 夏六月蒙陰大雨 西北

山崩 十六年蠲賑見卷首 秋七月日照大水 十八年蘭

山郟城日照水災 賑 秋八月九月雨 二十年恒雨饑

賑 二十一年大饑 賑 二十三年蘭山莒州大有年

日照大旱饑

